

**Uunga siunnersuut: Kommunalbestyrelsinut, nunaqarfinni aqutsisunut ilagiillu sinnisaannut qinersesarerit pillugit Inatsisartut inatsisaat nr. xx, xx.xxxx 2012-imeersoq**

**Saqqummiussiissut**

(Nunamut Namminermut, Pinngortitamut Avatangiisinullu Naalakkersuisoq)

Naalakkersuisut sinnerlugit matumuuna Kommunalbestyrelsinut, nunaqarfinni aqutsisunut ilagiillu sinnisaannut qinersesarerit pillugit Inatsisartut inatsissaattut siunnersuut saqqummiuppara. Kommunini qinersisarneq pillugu inatsit maannakkut atuttoq 1996-imi akuersissutigineqarsimavoq. Tamatuma kingorna kommunini suliassaqarfitt aaqqissuuteqqinnejarpot kommuninik nutaanik sisamanik pilersitsisoqarluni ataatsimoorussanillu nunaqarfinni aqutsisoqalerluni. Taamaattumik qinersisarneq pillugu inatsimmik nutarterinissaq pisariaqarpoq, nutaamik pisortat ingerlatsiviinut naleqqussarneqarsimasumik.

Inatsisartut 2010-mi upernaakkut ataatsimiinneranni oqaluuserisassaq UPA2010/141 suliarineqarnerani Naalakkersuisut peqquneqarput communalbestyrelsinut, nunaqarfinni aqutsisunut ilagiillu sinnisaannut qinersesarerit pillugit Inatsisartut inatsisaannut allannguutissamik siunnersusioqqullugit, imaalillugu inatsimmi Inatsisartunut qinersesarerit pillugit Inatsisartut inatsisaanni § 2-mi aalajangersakkap assigisaanik ilanngusseqqullugit.

Siunnersuut naapertorlugu inuit aalajangersimanerusut - ilinniartut, napparsimavinni uninngasut il.il. - nunatta avataani najugaqalerallarsimasut taakkulu apparisaat communalbestyrelsinut, nunaqarfinni aqutsisunut aamma ilagiit sinnisaannut qinersinerni taasisinnaanissaminut periarfissinneqassallutik.

Tusarniaanerup kingorna apeqqutigineqarpoq nalinginnaasumik tamat oqartussaaqataaneranni tunngaviusut akuerisaasut naapertorlugin aamma qulakkeerneqassasoq taakkua inuit pineqartut qinersinermut qinigassanngortissinnaanissaat. Inatsisartuni 2010-mi suliarinninnermi apeqqut tamanna qaquinneqanngilaq. Siunnersuut taama isikkoqartillugu inuit taakku § 2-mi pineqartut taamaallaat taasisinnaanissamut periarfissinneqassapput kisiannili qinersinermut qinigassanngortissinnaassanatik. Tamat oqartussaaqataaneranni tunngaviusut nalinginnaasumik akuerisaavoq qinersinermut qinersisinnaatitaagaanni aamma qinersinermut qinigassanngortissinnaanissaq.

Taamattaaq eqqarsaatigisariaqarpoq Inatsisartunut aamma Naalakkersuisunut ilaasortanut kiisalu inunnut nuna tamakkerlugu inuiaqatigiinnut pingaaruteqartunut kattuffinni siulittaasutut atorfearnertik pissutigalugu najugarisaminnit nuukkallartariaqartunut pisinnaatitaaffit assigisaat atutinnejeqassanersut imaalillugu kommunimut najugarisimasaminnut qinersisinnaatillugit aamma qinigassanngortissinnaatillugit.

Siunnersuutikkut communalbestyrelsinut qinersinerni nunami sumiiffiup sinniisutitaatut aaqqissuussineq ingerlateqqinnejarpot Kommunini suliassaqarfitt aaqqissuuteqqinnejarpnerat pillugu Inatsisartut inatsisaat nr. 14, 19. november 2007-imeersumi § 4, imm. 3-mi atortuulersinneqartoq. Upernaakkut 2011-imi katersunnermi oqaluuserisassami UPA 2011/38-mi apeqquteqaat aallaavigalugu oqallitoqarnerani aaqqissuussinerup

attatiinnarneqarnissaa amerlanerussuteqartunit isumaqatigineqarpoq taamaammallu nunami sumiiffiup sinniisuititaqartarneq inatsisisssatut siunnersummut ilanngunneqarpoq.

Martsip qeqqani Ilulissani kommunit isumasioqatigiinneranni Naalakkersuisut kommunillu naliliipput tulluarnerussasoq suliamik aappassaarinninneq pingajussaarinninnerlu Inatsisartut ukiakkut 2012-imi katersunneranni suliarineqarpat Inatsisartuni politikkikkut siunnersuut sukumiisumik suliarineqarniassamat.

Taamatut oqaaseqarlunga siunnersuut Inatsisartunut suliassanngortippara.